

بویوک مجسمه

مجله کولری چیقار ادبی و علمی مجموعه در

۸ مایس ۱۳۳۵ پرشیه

مدیر و امتیاز صاحی: م. زکریا

نسخه سی

۱۰ غروشد

نومرد

۷

هفته نك تاريخي

بووک محاکمه — حرب پنتجه ، ملتري درت سنه در قان و آتش ايجنده ياشانلرهما کهيه سوق ايديلهک باشلاندی. مانده عمومی برخستہ لقي کي هرملکت ، بولزوي حس ايتدی . حرب حياتي هرطرفده مرضی برحال احداث اتخش ، نظام وانضباط حکومت مأمورلرينه فضلہ قوت فضلہ مسئوليت تحمیل ايتش ، برچوقلری ده خلقت حياتي بهاسنه زنکين اولمشدی . طبيی بوفضلہ قوت وفضلہ صلاحيتلری سوء استعمال ايدنلر ، ملته برحساب ویرمهک بورجلی ايدیلر . ايشته بوکون بوحساب وامتحان دوری باشلامش بولونیور . کچن کون عدليه نظارتک مکلف سالوننده محکمه حضورينه چيقاربلان اسکی رجا. لزده ، بومقصده اورايه کتيريلشلردی .

صلح — برچوق کورولتوردن ، آردی آراسی کسيلمه بن دیدی قودبلردن صوکرانهايت صلح عقد ايدیلور غالباً . آلمان صرخصلری ، الهی سنه اول دشمنلرينه صلح شرطلری امضا ايتدیردکری سالونلرده ، شیمدی کندیلرينه امضا ايتدیریلرچک شرائطی اوکره نمکه کلدیلر .

بودفمه کی قونفرالس ، شیمدی به قدر عقد ايدیلن قونفرانسلرک هپسندن بووک اولاجق . یالکز فرانسه یکلن انکلتره و آمریقا صرخصلری بش یوزی متجاوزدر . بولره یکرمی دوت مهارب دولت صرخصلری علاوه ایدیکز . پارس هادتا دنيانک صرخصلری مملکتی اولدی . بوتون ملتارک مقدراتی اوراده حل ايديلهک .

یوز سنه اول ، یعنی ۱۸۱۴ ده ويانه ده طویلانان و بوکونکی دنيانک شکلی تعیین ایدن قونفرمه ده ، منافی موضوع بحث اولان دولتلرک یوز اون آلتی مثل حاضر بولونمهدی . صرخصلر قونفریه فراقله کلیر ، شابقه لری قوللری آلتنده ، قیلیجلری یانلرنده اولدینی حالده اوطورورلردی . صرخصلرک کوندوزکی بورغولقلاری ازاله ايجون کيجه لری بالور ، مساحره لر ترتیب ايدیلردی . حتی اووقت قونفره اعضاسندن بریسنه ایشلر ای کیدیوری؟ ديه صورمشلرده « کیتیمور ، دالس ایدیمور » ديه جواب ویرمش .

مسکن بحرانى — غذا بحرانک یاواش یاواش خفیفله شمه سنه مقابل مسکن بحرانى کوندن کونه قورقونج برصورتده بویوزور . مسکن بحرانى برقاچ آیدن بری طوندینی یولی عینی صورتده تعقیبه دوام ایدرسه کيجه لری باشمزی صوقه جق بریر بولقی کوندوز آراهه ویا تراموايه پنمک قدر کوچ برشی اوله جق . حرب ائناسنده اوله دورلر اولمشدی که اوده ، سوقا قده ، واپورده ، قهووده خلقتک زمین مذاکره سنی طیاره قورقوسی یاخود کومور بحرانى تشکیل ایتشدی . شیمدی ده ذکر وفکرى مسکن مسئله سنه ، اوکیراسنه انحصار ايتش کیدر . شیمدیلک صلح محکمه لرنک بوتون مشغولیتی تخلیه دعوالری تشکیل ایدیمور . بو دردی غزته لرده صیق صیق موضوع بحث ایدیمورلر . فقط مع التأسف کیمسه بودرد ايجون قطی بردوا دوشونه میور . غزته لردن بمضیلری حکومتی سکنا مسئله سنده بر نوع اداره عرفیه اعلاننه و او صاحبلى علمنه شدتلی قانونلر چيقارمغه تشویق ایدیمورلر . فکریمزجه بو تدبیرده متصرفلرک حیت والسانیت حسلرينه صراجعت ایتک قدر بهوده ونتیجه سز بر تشبثدر .

مهمانيه او صاحبلى رنکده بر جهندن حقلى یوق دکلدز . اوله اوصاحبلى وارکه طشره دن کلک ، یانقی ، ضروری اوله رقی بولندینی بری تخلیه ایتک مجبوری قارشيسنده اوبنه کیرمهک محتاجدر . بویه اولدینی حالده کیراجيسنه سوز آکلاتامبور . شیمدی بوکا برده قانون شکلی ویردرک او صاحبى ملول ویرسری دولاشیرکن کیراجی افندی به راحت راحت نچره ده چوبوق ايجیرمک تحف برشی اوله جق . کچن کون ساده دل بر ذات مسکن بحرانى حنده شوسوزلرله بیان حیرت ایدیموردی :

بر یاندن حرب اولدی ، چشید چشید خسته لقلر چیقدی نفوس اکسیدی دیورلر ، بریاندن اسکیدن بولبول صیفدیقمز استانبولده قافاضی صوقه جق دلیک بولامبورز .

مکتب مجموعه لری . — مجموعه خسته لقی واری؟ یوقسه دیشاریده هرکون دوهوب باتان مجموعه لر ، کنجکلک روحی تطمین می ایتیمور؟ بیلم . فقط کچن کون اله ایکی مجموعه کچدی . بولرک بری دارالملمین طلبه سی ، دیکری دار الفنون مداوملری طرفندنی نشر ایدیلور . عمومی مجموعه لره یازیلری هنوز قبول ایتدیرمه سن ، وهنوز یتیشمکده اولان یکی لسلک یکی استعداد لری ، برچوق شمرلر ومقاله لر یازمشلر . تاریخدن ادبیاتدن ، حتی فلسفه وتربیه دن بیله بحث ایدنلر وار . فقط طبیی اکچوغی شاهر . بولر آراسنده

ای یازانلرده یوق دکل . مثلاً فیلوزوفزک ۱۳ یاشنده کوچوک اوغل کچنده فلسفه حقنده کوچوک برکتاب نشر ایتشدی حسن عالی نامنده کنج بر دارالفنونلی اوکا بومنظومه بی یازیور : بابامک اوغلنه

کوچوک فیلوزوف ايجین

رضانک اوغلیسک ، اوندن یامانسیک ، صوبکه چکشسک ، کوچوک شیطانسیک ، کورسونده ذکاکی ، (دها) اوتالسن ، نه یاوزز آر چیقدهک ، سن بوصاواشده .

کوزلری (والفجر) ی اوقویان چوجوق بوددر چالیشما بکزک پک اوجوق ، صاحبک ایلشدر بر مائی بونجوق ، نظره اوغراسک صوکر بویاشده .

شیخ اسلام دوغاسین ، (مهدی) دیر سکا ایناعا هرکسه ، حتی باباکه .. نه اولور سن بزه (خوجا) اولساکا ! عقل یاشده دکل ، باشده در باشده ! .

دارالملمین طلبه سنک نشر ایتدیکى مجموعه نکه اسمی (فجر) . ايجنده یاخاصه قاریقاتورلری پک کوزل . کنجکلک ، حیانک چیرکینلکلرندن اوزاق ، بویه نزیه وتمیز شیلرله اوغراشیر کورمک نه قدر امید بخش .

رمضانہ نسخہ مز

بووک مجموعه ، رمضان مناسبتیه فوق العاده برنسخه نشرینه قرار ویرمشدر . اوتوز ایکی بووک صحیفه دن صرکب اولاجق اولان بوفوق . العاده نسخه ايجون شیمدین حاضرقلریاپیورز . مجموعه جیلقی ماننده یکیکلر یاراته جق اولان بونسخه یی قارقلریمزک صبرسزقله بکله ملری بوصیه ایدرز .



مدیر مسئول : م . زکریا

محل طبعی : مطبعه احمد احسان وشرکاسی